



Publicaziuns officialas dils 08-02-2019

Damonda da baghegiar

Nr. 123/2018

Datum da publicaziun: 08-02-2019

Patrun: Bearth Alois, 7152 Sagogn

Liug e parcella: Acla Mulin; 4294

Object: sanaziun ed izolaziun dil tetg dalla tegia da mises

Il profils ein tschentai ed il plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 129/2018

Haslemann Herbert, 8800 Thalwil; lavurs da manteniment vid scala e fassada dil baghetg nr. 86 sin parcella nr. 4720 a Sumvitg-Via Sursilvana.

Nr. 01/2019

Degonda Gion Battesta, 7176 Cumpadials; megliurar il dutg sin parcella nr. 6384 a Cumpadials-Plaun Raveras.

Sumvitg, 08-02-2019

Cumissiun da baghegiar

ELECZIUNS COMMUNALAS 2019

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials communals inoltrau lur demissiun sin ils 31 da schaner:

a) Cumissiun da quen e gestiun

Cajacob Claudio, Cumpadials	president
Decurtins Rafael, Sumvitg	commember
Lutz Gion, Rabius	commember

b) Cumissiun da baghegiar

Bundi Martin, Sumvitg	president
Flepp Felix, Surrein	commember

Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:

a) President communal

Candinas Armin, Rabius

b) Suprastonza communal

Bearth Giusep, Sumvitg
Candinas Robert, Surrein
Deplazes Ignaz, Surrein
Duff Marcus, Cumpadials

c) Cumissiun da baghegiar

Monn Erwin, Sumvitg
Tuor Eduard, Rabius

Ponderaziuns e motivs dalla suprastonza communal da star vinavon a disposiziun per l'executiva

Dapi biabein quater meins ei la suprastonza communal en stretg contact cun la suprastonza communal da Trun pertuccont in project da fusiun che las suprastonzas communalas da Trun e Sumvitg han decidiu da lantschar en ina seduta comunabla dils 21 da schaner 2019. Las discussiuns preparatoricas enteifer la suprastonza communal e cun la suprastonza communal da Trun han mussau ch'igl ei prudent che la suprastonza communal vertenta elaborescha il project da fusiun cun la vischnaunca Trun. Plinavon ha igl uffeci da vischnauncas cussegliu d'elaborar il project da fusiun cun ils commembers da suprastonza actuals. Per ina nova suprastonza communal fuss ei ina gronda sfida d'elaborar in tal project damai ch'ei basegna temps entochen ch'ina nova suprastonza ei cudischada cun ils fatgs communal ch'ei decisivs per il project da fusiun. Tenor plan da termins duei vegnir votau davart il project la primavera 2020 e la nova vischnaunca duei ir en vigur cun l'entschatta 2021. Quei secapescha mo sche las suprastonzas communalas ein perschuadidas dil project ed ina vischnaunca fusiunada purtass consequentamein dapli avantatgs che disavantatgs. Dues ei dar ina funsiun setracta ei d'in temps d'uffeci da mo 1.5 onns.

Sin fundament da quella situaziun han tut ils commembers dalla suprastonza communal decidiu da star vinavon a disposiziun per l'executiva ed aschia accumpignar il project da fusiun. La suprastonza communal ei dil meini che quei ei la megliera decisiun ed en favur da nossa vischnaunca. Ei spetga in intensiv ed impurtont temps per il futur da nossa vischnaunca e la suprastonza communal sestenta da liquidar tut ils pensums che spetgan cun bien maun ed en favur da nossa communitad.

La suprastonza communal supplichescha per enconuschientscha e spera per capientscha per igl agir.

Ulteriuras demissiuns

Da uffecis che vegnan buca elegi all'urna han las suandontas personas demissiunau sin ils 31 da schaner:

a) Cussegl da scola

Bass Trudi, Sogn Benedetg	commembra
Jacomet Lucrezia, Surrein	commembra

b) Cumissiun da meglieraziun

Monn Martin, Sumvitg	commember
----------------------	-----------

c) Cumissiun da cultura

Solér Clau, Surrein	commember
Monn Gabriela, Sumvitg	commembra

d) Corporaziun casa da tgira Sutsassiala

Monn Yvonne, Sumvitg	commembra
----------------------	-----------

Inoltraziun declaronza da taglia 2018

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2019** per personas cun activitad da gudogn dependenta, scolars, students, pensiunai, disoccupai.
- **30 da settember 2019** per personas cun activitad da gudogn independent, societads semplas e personas domiciladas ordeifer il cantun cun interpresas el Grischun.
- **30 da settember 2019** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Impurtont

Las declaraziuns da taglia 2018 ein d'inoltrar sco suonda:

Administraziun da taglia dil cantun Grischun

Verarbeitungszentrum 1/KO

Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: www.stv.gr.ch
- per e-mail: fristgesuche@stv.gr.ch
- en scret: Administraziun da taglia dil cantun Grischun
Fristgesuche/KO
Steinbruchstrasse 18, 7001 Cuera
Telefon 081 257 34 93
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673-), num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulteriur termin excepziunalmein vegnir dumandaus.

Igl uffeci da taglia communal Sumvitg supplichescha da prender enconuschientscha da quellas midadas.

Ulteriuras informaziuns

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier igl uffeci da taglia communal.

Ils conjugals suttascrivan comunablamein la declaronza da taglia. Conjugals che vivan giuridicamein ed effectivamein en ina lètg nunseparada ein suttamein comunablamein alla taglia. Las entradas e la facultad vegnan summadas senza risguardar il stadi dils beins. Omis dus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugals, vegn la suttascripziun che maunca aunc pretendida.

Davart ulteriuras damondas stat igl uffeci da taglia communal a disposiziun.

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 08-02-2019

Departament stradal

Program da pumpiers 2019 corp Sumvitg-Trun

Cader

Datum	Liug	Uras
11-02-2019	Igniu	19.30
07-05-2019	Danis	20.00
25-06-2019	Igniu	19.30
08-08-2019	Trun	19.30
29-10-2019	WBABreil	19.00
04-11-2019	Mustér	19.30

Entir corp (Cader, S1, S2, N1, N2)

Datum	Liug	Uras
12-06-2019	Igniu	19.30
15-11-2019	Trun	19.30

Secziun 1 (S1)

Datum	Liug	Uras
26-02-2019	Igniu	19.30
21-03-2019	Trun	19.30
09-04-2019	Igniu	19.30
14-05-2019	Trun	19.30
28-08-2019	Trun	19.30
09-10-2019	Igniu	19.30

Secziun 2 (S2)

Datum	Liug	Uras
21-02-2019	Igniu	19.30
12-03-2019	Trun	19.30
04-04-2019	Igniu	19.30
06-05-2019	Trun	19.30
20-08-2019	Trun	19.30
01-10-2019	Igniu	19.30

Novizs (N1+N2)

Datum	Liug	Uras
07-03-2019	Igniu	19.30
28-03-2019	Trun	19.30
01-04-2019	Igniu	19.30
14-05-2019	Trun	19.30
20-08-2019	Trun	19.30
14-10-2019	Igniu	19.30

Uniun samaritana Sumvitg-Trun

Nies emprem exercezi dad uonn s'avischina... Bugen envidein nus commembras e commembers agl exercezi tecnic che ha liug **gliendisdis, ils 11 da fevver 2019**, allas 20.00 en nossa stanza a Trun. Nossa scolasta Bettina Jacomet tschenta sia emprema sera sut il tema Diabetes. Interessescha quei tema ulteriuras persunas? Vegni nunschenadamein a nies exercezi, scadin/a ei beinvegnius e beinvegnida!

Cuors d'emprem agid

Era uonn organisescha l'uniun samaritana Sumvitg-Trun in cuors d'emprem agid per in e scadin cun la scolasta Martina Giger. Il cuors ha liug ils **7/14/21/28 da mars ed ils 4 d'avrel 2019 en casa da scola a Sumvitg**. Ils exercezis entscheivan mintgamai dallas 16.30 e cuozzan 2 uras. Eventualas midadas da temps vegnan coordinadas denter scolasta e participont/as. Tuts exercezis ston vegnir frequentai per survegnir il certificat! Interessent/as astgan s'annunziar tochen sil pli tard venderdis, ils 1 da mars 2019 tier Gabriela Lutz, tel. 081 943 10 26 ni gglutz@kns.ch Nus selegrein sin vus *la suprastanza*